



# COMUNU DE SOLÈMINIS

Provìntzia de sa Sardìnnia de Bàsciu

Bia Crèsia 18, 09040 – Solèminis (SU – Sud Sardìnnia)  
Còdixi Fiscali (CF) 80005100922 - Partida Iva (PI) 01430300929

## AVISU

### **LEI NÙMERU CENTU-E-SESSANTADUUS DE SU MILLI-E-NOIXENTUS-NORANTOTU (L. 162/98): PRANUS PERSONALIZAUS NOU ATUAMENTU ANNUALIDADI DUAMILLA-E-BINTUNU**

(Primu pàgina de su Giassu istituzionali de su Comune > S'Aministratzioni >  
Su Comune fait sciri > Avisus pùbricus)

- Dii de pubricatzioni in s'Arretza (online): s'otu de Gennàrgiu de su Duamilla-e-bintunu (08/01/2021)
- Dii de scadèntzia: su trintunu de Martzu de su Duamilla-e-bintunu (31/03/2021)

Si fait sciri ca cun Deliberatzioni de sa Giunta Regionali nùmeru sessantacuàturu/dexeotu de su primu de Idas de su Duamilla-e-binti (n. 64/18, 01/12/2020) est stètiu stabilèssiu ca is pranus personalizaus de nou atuamentu, cunforma a sa Lei nùmeru centu-e-sessantaduus de su Milli-e-noixentus-norantotu - L. 162/98), cumentzant de su primu de maju de su Duamilla-e-bintunu (01/05/2021) po chini ddui tenit una imbalidadadi manna meda comenti ndi bessit de s'artìculu tres, corriedda tres, de sa Lei centu-e-cuàturu de su Milli-e-noixentus-norantaduus (L. 104/92, art. 3, c. 3) tzertificada a su trintunu de Martzu de su Duamilla-e-bintunu (31/03/2021).

**Is preguntas po s'atuamentu de pranus nous ant a depi lompi àinturu de su trintunu de Martzu de su Duamilla-e-bintunu (31/03/2021), impari a is paperis afatantis:**

- ISEE (Inditadori de sa Situatzioni Econòmica Ecuivalenti) 2021;
- Pregunta a su Comunu imperendi su mòdulu acumpangiau a custu avisu etotu;
- SCHEDA SALUDI cumpilada e firmada de su dotori de famìllia o de su pediatra a praximentu e/o de unu àteru dotori de strutura pùbrica o cunventzionada chi curat a s'imbàlidu;
- Còpia de su verbali de arreconnoscimentu de s'imbalidadì manna cunforma a sa Lei centu-e-cuàturu de su Milli-e-noixentus-norantaduus, artìculu tres, corriedda tres (L. 104/92 art. 3, c. 3).

Comenti presentai is preguntas:

- po mesu de curreu eletrònicu a custu indiritzu *sociale@comune.soleminis.su.it* o asinunca a *servsoc.soleminis@libero.it*;
- a ddas ponni in sa cascitedda de linna aforas de s'intrada de su Comunu, beni serradas e àinturu de una busta indiritzada a s'Ufitziu de Serbìtziu Sotziali.

Si acrarat ca, apustis de sa presentatzioni de custus paperis, a is tzitadinus chi ndi ant fatu pregunta, ddus ant a tzerriai s' Ufitziu de Serbìtziu Sotziali po s'aprontamentu de su progetu personalizau.

**Liòngius:**

- **Liòngiu A**\_Mòdulu de pregunta\_Lei 162/98
- **Liòngiu B**\_Scheda Saludi\_ Lei 162/98

**LIÒNGIU A**



**COMUNU DE SOLÈMINIS**

Provìntzia de sa Sardìnnia de Bàsciu (SU)

**A su Comunu de Solèminis  
Ufitziu de Serbitziu Sotziali**

**PREGUNTA PO S'AMMISSIONI A SA PROGRAMATZIONI DE IS PRANUS PERSONALIZAUS DE AGIUDU  
CUNFORMA A SA LEI CENTU-E-SESSANTADUUS  
DE SU DUAMILLA-E-NOIXENTUS-NORANTOTU (L. 162/98)  
ANNUALIDADI DUAMILLA-E-BINTI (2020) /  
GESTIONI DUAMILLA-E-BINTUNU (2021)**

Su/Sa sotuscritu/a \_\_\_\_\_ nàsciu/a a \_\_\_\_\_

Su \_\_\_/\_\_\_/\_\_\_ Bivendi a \_\_\_\_\_ in bia \_\_\_\_\_

Telèfunu \_\_\_\_\_ Còdixi Fiscali \_\_\_\_\_

**IN CALIDADI DE:**

(sinnai cun d-una cruxitedda sa boxi de interessu)

- Destinatàriu de su pranu
- Babu e mama
- Chini ddui tenit arreconnota (= Esertzenti) sa podestadi o amparu
- Unu de sa famìllia (inditai su gradu de parentau \_\_\_\_\_)
- Aministradori de agiudu (acumpangiai Decretu de su Giugi amparadori)

**PREGUNTAT**

**S'APRONTAMENTU DE UNU PRANU PERSONALIZAU DE AGIUDU CUNFORMA A SA L. 162/98  
PROGRAMA 2020 – GESTIONI 2021**

- in favori suu
- in favori de: Sangunau \_\_\_\_\_ Nòmini \_\_\_\_\_

nàsciu/a \_\_\_\_\_ (\_\_\_\_\_) su \_\_\_/\_\_\_/\_\_\_

Bivendi a SOLÈMINIS in Bia \_\_\_\_\_ Nùmeru \_\_\_\_\_  
Telèfunu \_\_\_\_\_ Còdixi Fiscali \_\_\_\_\_

**A tali tenta DECRARAT, issu etotu o chini ndi tenit su deretu (cunforma a s'artìculu corantases de su Decretu de su Presidenti de sa Repùbrica nùmeru cuaturucentu-e-corantacincu de su Duamilla – D.P.R. 445/2000, art. 46), asuta de sa pròpia responsabilidadi, sciendi de is contravetzionis penalis chi ndi bessint aforas capitendi de fai decraratzionis faulàncias:**

- ca su Destinatàriu de su Pranu est meri de sa tzertificatzioni “de imbalididadi in situatzioni gravi” (Lei cinqu maju Milli-e-noixentus-norantaduus, nùmeru centu-e-cuàturu, artìculu tres, corriedda tres (L. n° 104, 05/05/1992, art. 3, c. 3) **cun vùsita fata in data** \_\_\_\_\_ (Tali cunditzioni depit èssiri stètia tzertificada ainturu e no prus de su trintunu martzu de su Duamilla-e-bintunu (31/03/2021);
- de fai lompi a s'Ufitziu de Serbìtziu Sotziali de su Comunu de Solèminis **dònnia eventuali comunicatzioni de s'INPS**, pruschetotu capitendi chi su verbali, de comentu ndi bessit de sa Lei centu-e-cuàturu de su Milli-e-noixentus-norantaduus, artìculu tres, corriedda tres (L. 104/92, art. 3 c. 3), **depat èssiri revisionau;**
- de sciri chi sa gestioni de su progetu **no podit èssiri intregada a is familiaris chi bivint impari e nimancu a is chi funt inditaus in s'artìculu cuaturucentus-e-trintatres de su Còdixi Tzivili** (art. 433 C.C.).

Acumpàngiat a custa pregunta:

- Còpia tzertificatzioni acabadora de s'imbalididadi comentu ndi bessit de s'artìculu tres, corriedda tres de sa Lei centu-e-cuàturu de su Milli-e-noixentus-norantaduus (L. 104/92, art. 3 c. 3);
- Còpia tzertificatzioni ISEE (Inditadori de sa Situatzioni Econòmica Ecuibalenti) cunforma a su Decretu de su Presidenti de su Consillu de is Ministrus nùmeru centu-e-cincuantanoi de su Duamilla-e-trexì, artìculu ses - DPCM 159/2013, art. 6 – (ISEE po Fainas agiudadoras de caràtiri sòtziu-sanitàriu) o eventuali DSU (Decraratzioni Sostitidora Ùnica) chi atestat chi sa pregunta Tzertificatzioni ISSE est stètia fata;
- Scheda de Saludi – Liòngiu B – cumpilau e firmau de su Dotori de famìllia e Dotori spetzializau de su Spidali Pùbricu chi tenit in càrrigu su benefitziariu o Pediatra scioberau a praximentu. Sincasu de pranus de torrai a fai de nou, at a balli sa “Scheda Saludi”

cumpilada s'annu innantis, bastat chi su benefitzàriu no cunsiderit de ndi presentai una giai annoada;

- Decrarazioni fata a su postu de s'àutu de noturiedadi innui si decrarant is spesas chi s'arreferrint a s'annu Duamilla-e-binti (2020) - Liòngiu D;
- Còpia de unu documentu de identidadi de su benefitzàriu e de su decraradori (sceti capitendi chi custu no est su benefitzàriu);
- Capatzi chi ddui bollat fotocòpia de su Decretu de nòmena de Amparadori o Aministradori de agiudu lassau de su Tribunali cumpetenti;
- Capatzi chi ddui bollat tzertificatzioni de su Dotori chi tistimòngiat maladia gravi de àterus cumponentis chi faint parti de sa famìllia.

Solèminis, sa dii \_\_\_ / \_\_\_ / \_\_\_

**Firma de su decraradori**

\_\_\_\_\_

<b>LIÒNGIU B</b>
------------------

**SCHEMA SALUDI**

(de cumpilai a incuru de su Dotori de Famìllia o Dotori de strutura pùbrica o Dotori cunventzionau)

Po s'intregu de is puntègius chi s'arreferrint a is pipius de apena nàscius a is ses annus, tocat a cunsiderai sceti is boxis arrepresentadoras po s'edadi de su pipiu (po ndi nai una: intregai su puntègiu "0" a sa boxi "est bonu a si bistiri o a si-nci spollai a solu?", mancai is pipius no imbàlidus de sa matessi edadi no siant bonus, comentu po su fueddai, su papai, su caminai, su si-nci sciacuai totu a solu, e s'ighendi a nai).

Sangunau: \_\_\_\_\_ Nòmini: \_\_\_\_\_

Nàsciu a: \_\_\_\_\_ Su: \_\_\_ / \_\_\_ / \_\_\_ Màscu o Fèmina: \_\_\_\_\_

Bivendi in: \_\_\_\_\_ Bia: \_\_\_\_\_ Nùmeru \_\_\_\_\_

Còdixi Fiscali: \_\_\_\_\_

Data de candu ddi ant lassau sa tzertificatzioni Lei 104/92, art. 3, c. 3: \_\_\_\_\_

Su chi ddi ant agatau (= Diàgnosi): \_\_\_\_\_

## ÀREA A: Sentòriu e fueddada

**1. Tenit cumpromìtia sa capatzidadi de biri e no si-dda podit curregi imperendi una pròtesi?**

- 0. No tenit cumpromìtia po nudda sa capatzidadi de biri
- 1. Tenit cumpromìtia aici aici sa capatzidadi de biri (dexi dèximus)
- 2. Tenit cumpromìtia meda sa capatzidadi de biri (binti dèximus)
- 3. Tenit cumpromìtia sa capatzidadi de biri (tzurpu de unu totu)

**2. Arrennescit a ndi distinghi is boxis, is sonus, is stragatzus e, apustis de ddus èssiri intèndius, a si-nci cumportai beni?**

- 0. Eja
- 2. Aici aici
- 3. Po nudda

**3. Arrennescit a si-nci cumportai beni candu ddu tocant? (po ndi nai una: est pagu/meda fischidu a is insutzuligaduras)?**

- 0. Eja
- 2. Aici aici
- 3. Po nudda

**4. Nci dda fait a fueddai beni e a sentidu firmu, de manera chi si fetzat cumprendi finas de chini no est de sa famìllia sua?**

- 0. Eja, nci dda fait (fueddus beni naus)
- 2. A bortas (su modu de fueddai est traballosu, si fait cumprendi pagu)
- 4. No, no nci dda fait (no arrennescit a fueddai po nudda o scrillitat po atirai s'atenzioni)

## ÀREA B: SU APARICIAI IS FAINAS DE DÒNNIA DII

Su si bistiri e su si-nci spollai

**5. Est bonu a si bistiri e a si-nci spollai a solu? Est a nai, pigat is bistiris o su pigiama, si ddus ponit e si ddus tirat?**

- 0. Est bonu a ddu fai totu a solu: no tenit abisòngiu de dd'agiudai
- 1. Collàborat, perou tenit abisòngiu de dd'agiudai o de ddu castiai

- 2. Tocat a ddu sighiri in totu (po ndi nai unas cantus: est unu tetraplègicu, est a bratzus e/o a cambas strupiaus/strupiadas, est imbàlidu gravi de ciorbeddu)

Su papai

### **6. Papat fora de agiudu?**

- 0. Eja, totu a solu
- 1. Tenit abisòngiu de dd'agiudai unu pagu (in is fainas prus traballosas comenti a segai a gorteddu e a limpiari su croxu)
- 2. Tocat sèmpiri a dd'agiudai in totu e a ddi ponni in buca su papai

### **7. Po ddu donai a papai tenit abisòngiu de ddu sighiri e a ddi apariciari su papai poita no nci dda fait a matzulai, a inguti e a digidiri beni?**

- 0. No, no ndi tenit abisòngiu
- 1. Tenit abisòngiu de dd'agiudai unu pagu (papat cosa lìcuida e moddi, e a bortas puru cosa de matzulai)
- 2. Tenit abisòngiu de ddi apariciari su papai lìcuidu e moddi chi digirit a pagu a pagu

Su caminai

### **8. Angèriu de su caminai:**

- 0. Caminat beni a solu
- 1. Caminat a stròmbulus stròmbulus,
- 2. Caminat meda a stròmbulus stròmbulus, tenit abisòngiu de si-nci acotzai
- 3. Tenit abisòngiu de dd'agiudai sceti in is caminadas traballosas (po ndi nai unas cantu: calai de is scalas, intrai e calai de su letu)
- 4. Tenit abisòngiu de dd'agiudai finas a fai calincunu passiteddu
- 5. No nci dda fait a caminai a solu, nimancu chi dd'agiuant; asinunca si movit sèmpiri a solu a carrotzina
- 6. Si movit sèmpiri a carrotzina e acumpangiau. Asinunca est sèmpiri faineri meda (= iperativu) (autismu e/o maladias chi ddi assimbillant)
- 7. Est alletau

Su si orientai in su logu

### **9. Nci dda fait a si orientai a solu in su logu de acanta?**

- 0. Eja, nci dda fait
- 1. No, est disorientau unu pagu

- 2. No, po nudda

Su pigai is cosas in is manus e a ddas imperai

**10. Cun is manus nci dda fait a scioberai is cosas, a ddas pigai, a ddas mantenni e a ddas imperai?**

- 0. Eja, cun siguresa
- 1. Aici aici
- 2. No nci arrennescit a fai cun is manus is fainas prus traballosas
- 3. No, po nudda

Su si sciacuai, su andai de corpus

**11. Est bonu a si fai su bànniu a solu, a si sciacuai, a si alliputziri?**

- 0. Eja, fait totu a solu
- 1. Ddu/Dda depint agiudai o sighiri candu si sciàcuat
- 2. Ddu/Dda depint agiudai in totu, tenit abisòngiu de una assistèntzia

**12. Nci dda fait a si poderai de orinai?**

- 0. Mai
- 1. A bortas
- 2. Sèmpiri

**13. Nci dda fait a si poderai de andai de corpus?**

- 0. Eja, de unu totu
- 1. Nci dda fait aici aici
- 2. No nci dda fiat po nudda a si poderai

## **ÀREA C: VIDA DE ARRELATAS**

Su si cumovi, su pigai parti a is arrexonis, su cumprendi

**14. Expressat e nci arrennescit a amostai is sentimentus**, su modu de fai e de si cumportai giustus e cunforma a is situatzionis ambientalis e a is cuntèssis sotzialis (po ndi nai unas cantu: no esprimìt e no nci arrennescit a fai biri su modu de fai/de si cumportai de autodefensa contras a is perìgulus o modus de si-nci cumportai sèmpiri is pròpius (= steretipaus), o de àtu/èteru viulèntzia, e sighendi a nai)?

- 0. Eja
- 1. Aici aici e a traballu



2. Po nudda

**15. Nci arrenescit sèmpiri a si fai cumprendi de is àterus e a fai cumprendi ita bolit in is arrelatas cun is àterus (su si fai cumprendi / fai cumprendi = inditai, descriri, acrarai, pretzisai, cumprendi)?**

0. Eja  
 1. Aici aici e a traballu  
 3. Po nudda

**16. Nci arrenescit a si orientai in su tempus?**

0. Eja  
 1. Aici aici  
 2. Po nudda

**17. Nci dda fait a abarrai abistu e a no si sbeulai a faci de unu incàrrigu/una atividadi?**

0. Eja  
 1. Aici aici  
 2. Po nudda

**18. Nci dda fait a si arregordai aici de podi fai is fainas de dònna ddi totu a solu?**

0. Eja  
 1. Aici aici  
 2. Po nudda

**PUNTÈGIU TOTALI \_\_\_\_\_**

**Su Dotori**  
*(Bullu e firma)*

---